

摘藻堂四庫全書薈要

集部

欽定四庫全書薈要

集部

皇清文頴卷五十五

三五

詳校官候選知縣臣吳甸華



欽定四庫全書薈要卷一萬九千四百五十四

集部

皇清文頴卷五十三

詩

樂府

平北雅十二章

王士禎

於昭

上帝眷德申祉穆穆

聖皇緝熙敬止文德觀成武功纘始藩之屏之磐石之

似芟之刈之四郊以無壘

睠彼滄溟波恬其島睠彼昆池魚泳于藻自東徂西同
風偃草蠢爾荒裔干天之道式遏寇虐肅將天討

歛彼飛隼矰繳射之躍彼兔兔韓盧獲之狡彼克逆天
方蹶之矯矯虎臣薄言伐之

皇網則寬縱乃活之

有鴉有鴉集于桑林食我桑椹猶懷好音彼鴉不若為
梗至今匪殲其醜孰革其心

天子于征

六飛駸駸臣哉鄰哉發言盈庭僉謀止輦

帝鑒汝誠維天憚怒彼毒貫盈天欲殛之敢憚徂征肆
其靖矣率土攸寧

歲維丙子仲春辰良類之禡之神祇告祥我馬駸駸我
車彭彭戎旅嘽嘽旛旐央央如雷如霆于彼之疆

帝介六馬亦簡元戎或軍以西或軍以東左之右之黃
鉞秉中謀夫孔多

帝斷之衷師壓其境以折其衝

熊羆林林貔虎虓吼既倚其足又角其首鼓之擊之如
枯如朽僂之俘之十薙八九一鹿鋌險喝將安走

帝曰還歸彼逆將順奚狡而頑覲收餘燼炎炎不息燎
原將焮龍旗載揚雷鼓冬震肅肅其威雪戈霜刃

陽和布德鷹已為鳩彼眼不化將鷲于秋畢之羅之迨
此春蒐耀我組練鍛我戈矛三駕

乘輿西擣窮陬

彼巢覆矣又失其雛彼翼折矣云何不孤天壅其盈遂
降之誅靡遠不服靡惡不鋤疆宇式奠卧鼓弢弧
象輅回鑿敬報

天

祖饗祀升歌亦韶亦武

王猷允塞仁義干櫓功成謙益為函夏主億萬斯年受
天之祐

聖武神功蕩平漠北饒歌鼓吹曲十二章

有序

杜 臻

皇上御極之三十五年春

聖駕既親統六師跋履沙磧震揚

天威出奇制勝夏五月大敗厄魯特噶爾丹於召磨多
之地於是蜂屯蟻聚之衆斬馘執俘乞降而外所
存無幾不可復支噶爾丹竄伏窮荒苟延殘喘

皇上仍命大將軍費揚古等駐軍喀倫將軍博濟孫思
克副都統阿南達提督李林隆等駐軍肅州過其

奔竄其秋九月

車駕復親臨塞外濟河而西渡堅冰凌霜雪至鄂爾多
斯經畫軍務既密且周其黨丹濟喇劫我餘糧我
師奮擊敗之厄魯特台吉寨桑等先後望風歸順
皇上厚加撫恤並授官職待以不疑噶爾丹齎奏乞降
聖明洞照奸狡一無所施嘉平之月

車駕還京於是賊黨散賊勢困賊計窮今年春二月丁

亥

車駕發京師歷雲中榆林察吏治詢民隱大小將弁閱其能否而黜陟之沿塞垣行西抵寧夏

駐蹕狼居胥山數軍實整戎行轉輸糗糧靡不豐給指授諸將方畧分道搜剿哈密回人生擒其子色不騰巴爾朱爾俘送

闕下諦巴奏請謝罪瑚瑚腦爾台吉濟農奏請朝貢即其親信之丹濟喇及阿喇布灘丹津汪布等咸輸誠歸命於是賊黨益散賊勢益困賊計益窮噶爾

丹驚聞

車駕復臨朔塞自知罪惡貫盈人神共憤雷霆所擊計
無復之遂於閏三月十三日仰藥自殺厄魯特部
落盡蕩平萬里之外無不納款

天朝稟聲教焉伏念

皇上至聖至仁量同怙冒無念不以愛民為心無日不
以安民為事蠲租賑卹平獄緩刑好生之德洽於
民心普天率土固已湛恩汪濊矣乃躬擐甲胄踰

險阻不憚

萬乘之勞大張

天討者誠以稂莠不除無以培嘉禾暴逆不翦無以安良善寇滅則外藩安邊民安中國愈安宵旰籌之熟矣且噶爾丹非尋常寇盜比其國習於戰鬥昔年蠶食土魯番哈密諸國凌弱暴寡吞噬無厭喀爾喀以七旗數十萬之衆喪亡畧盡

皇上屢頒

勅諭令其和好噶爾丹不念

聖恩之浩蕩不遵

睿旨之諄詳憑凌我屬國侵犯我邊界烏瀾布通之役

賊雖敗遁

宸衷未嘗一日忘武備也用是大奮乾斷銳意

親征出塞三千餘里臨赫魯倫土喇之地賊出於不意

望見

天子旌旗大軍雲集乃喪膽奪魄晝夜西奔西道諸將

邀其歸路克奏膚功固由祇承

廟畧實懾於

天威也匝歲之內

乘輿三臨塞外從天而下至神至速乘其潰敗之時即用剽絕其命毋使滋蔓務盡根株

聖謨卓見為生民除害至深遠也元克既除邊塵永息戢矢橐弓宇內之民莫不鑿井耕田含哺鼓腹共享昇平之樂武有七德禁暴戢兵保大定功安民

和衆豐財於斯備矣臣竊觀史冊遠莫盛於三代
近莫隆於漢唐然郅支斬頡利擒皆遣將出征而
非天子自行鬼方之伐淮戎之平又九州之內非
疆索之外且必俟用兵數年勞師動衆角力爭雄
而後克成厥勲若

皇上睿謀獨運勝算如神掃積年之逋寇不踰崇朝安
絕塞之殘黎登之衽席方之上古軒后之擒蚩尤
有虞之伐三苗先聖後聖其揆一矣五月乙未振

旅凱還

大駕自居庸關入京文武大小臣工以下士庶軍民者
老數十萬人夾道擁觀咸呼萬歲歡聲雷動伏闕
上書請加

尊號而

聖德謙光三上不允在廷諸臣及文學侍從之官莫不
抽毫染翰作為歌詩思以抒懼怖之忱潤金石而
咏太平臣臻忝列中樞受

恩深重愧無報稱目覩

聖武神功之盛謹拜手稽首獻鏡歌鼓吹曲辭十二篇
庶幾永昭

皇猷盛美於無窮焉

睿謀乾斷親征至黑魯倫靈泉湧庶草蕃

天威遠震噶爾丹驚魂潰遁為揚

聖武第一

聖武布大義扶討不庭張威弧豫順動萬靈趨蒼兕躍

朱鷺娛平沙彌望

後來蘇濕澆澆潏甘冽膺芊眠鋪芬變荒塗德馨暢
皇謨訂申九伐用三驅墮挺險慄負岵巴顏空土喇枯
驚風鶴宵遠逋仁無敵亶匪誣

右揚

聖武二十六句

師出三路

宸衷預料寇必由西路逃遁遣將堵截果遇於召磨多

大敗噶爾丹斬獲無算為

神幾捷第二

神惟幾疇與通惟

至聖協於中萬幾裕應無窮誅小醜貔虎雄四甄布七
翼置九伏攫八門籠躡三窟羅獷狻料西路寇懵懵張
我軍氣如虹脫厥角摧枯叢批亢捷擣虛工召磨多銘
皇功

右神幾捷二十四句

賊既潰遁仍

命將駐旅喀倫肅州指臂聯絡

睿算深遠萬非常識所測為峙金湯第三

占敵遁幕烏鳴聽吹角知潰聲載古籍美厥明千載我
皇定玉衡鯨鯢已截彌布紘前茅蹕後勁隍橫雲却月
遙崢嶸丈人吉叶師貞倚角勢賊聞驚釜魚息螳臂橫
維神武掃天狼賀蘭高拂雲晴閱細柳廓旃旌欽

睿謀密且精

右峙金湯二十五句

丹濟喇盜劫餘糧復為我軍追逐奮擊敗之為陪
獬獸第四

逆天誠萬古垂況餘燼曷能支戮溫禺釁鼓糜斬谷蠹
膏長鉞期門奮天策奇黃蠹莅中權曦翠蓋臨絕漠祇
餓臬喙徒妄窺彼遊魂墮釜錡雖回旆留熊羆殘必斃
寧久為告脅從毋自底

右陪獬獸二十四句

聖駕丙子冬復

親臨邊方渡河至鄂爾多斯經畫詳密恩威並用賊黨
盡歸命為天駟煌第五

星鈺輝月羽賁鉤陳繞動天駟載旆師凌朔吹河冰堅
烏章織

皇之威嚴霜同惴

皇之恩挾纊共被寨桑輩接踵至膏大澤樂生遂悔從
前如夢寐寒者衣飢者飼仰

皇仁消偏陂

右天駟煌二十二句

今春

聖駕復臨邊方西踰寧夏

駐蹕狼居胥山震揚

天威分布禁旅為

天行健第六

豫雷奮嵩呼齊解澤敷塞卉萋韎韜有奭震路輦王旅

嗚嗚穴蟻何迷轉天鍵含天倪塞草被光潤春溪驂騑
嘶六鈞剡木七屬函屏靈鈺三舉金僕共觴耀紫焰太
白西殲封豕若醢雞扶巨魑類穉麇望

黼座厥角稽叩旌路厥首泥睹

天顏雲日躋

右

天行健二十八句

睿算如神指授諸將方畧擒賊子檻車械送珊瑚腦兒

輩又率衆來降為弇孤雛第七

睿作聖伐謀遙握勝算指招搖盧矢授彤弓弨諸將遣
罟醜么狼河堵雁塞剝欲逃死何方趨覆巢聲毀卵凋
自貽戚共灰燹大鷗隕况鶴鶴語逆漠歸

天朝歸

朝咸樂土仁天同戴堯

右弇孤雛二十二句

天威四布賊氣竭途窮噶爾丹仰藥自殺餘黨來歸厄

魯特盡平為伏天誅第八

牙璋燦羽葆悠槍纍布儲胥道彼狡獪命焉留梟噪絕
狐鳴蹂凡啟類盡虔劉仰藥死墮鬼幽盡殄滅等散漚
蔚嘉禾去賊蠱旗影陰山靜茄聲落照浮日月高曜永
照金甌突梯鼠首遙懸竿鉤荒烟朔雪萬載清瀏

右伏天誅二十四句

聖駕三次臨邊調兵籌餉冒暑衝寒備極煩勞功成回
鑿百官萬民感刻夾道歡呼為衢歌繁第九

六飛遙往三駕徧翔羽林十二昭回生光桓桓將士電
掣龍驤仰華蓋耀紫芒

廟謨密陣堂堂飛菽粟千斯箱統虎賁殿中黃歷炎曦
冒雪霜惠我人斯春風春雨

帝車之回夾道忭舞黃童白叟名香頂炷恩斯勤斯敢
忘復顧

右衢歌繁二十四句

神武覃敷逋寇絕滅黨與盡皆歸順普天胥慶永樂昇

平舉行典禮昭示中外為武功成第十

揚休光滌芬溢遍垓埏昭無外歡呼山欲動歌舞路藹藹
藹億兆同心氣結

鸞輿蓋羣靈助順祥籠羽儀潒榮光沕穆呈佳氣鬱律
會綠甲三階融紫膏萬頃泰軒罍露結瑞葩雲生棟神
貺嘉典禮盛

景福遐

右武功成二十句

者定大勲實為千古帝王所不及行健如天度幾
如神編輯平定北寇方畧昭示無極為光芝檢第
十一

拒鬱馨格皇天雲亭石昭萬年澤馬獻路車連金泥煥
玉檢宣命太乙昭瑤篇烈火熾鴻毛然疾風颭秋籜捐
鐵山碎擴幅員亘神武日月懸倚劍崆峒外巍峩貞珉
鐫

右光芝檢二十句

絕塞數萬里外自此更無不臣之國不服之人太
平盛業益增太平為陳王會第十二

共球盛萬國歌干羽舞兩階和旅葵貢歷山河越雉獻
重譯過紈牛露犬珍異四羅茲白乘黃庭實孔多睢盱
嗚咿睹

天顏霽天馬蒲梢極天無際環海十洲如帶如礪來享
來王及其苗裔雙貉共觚同柯連理億萬年王會麗

右陳王會二十四句

1917

Year 1917

| | | | | | | | |
|--|--|--|--|--|--|--|--|
| | | | | | | | |
|--|--|--|--|--|--|--|--|

皇清文頴卷五十三

欽定四庫全書薈要卷一萬九千四百五十五

集部

皇清文頴卷五十四

詩

樂府

聖武功成饒歌鼓吹曲十章

陳論

皇上怙冒遐荒德威丕著肆征弗庭罔不耆定為

聖武昭第一

皇建極臨萬方九功叙六師張克逆藩斧其吭清海氛

波不揚神謀秘畧由廟堂逆節盡芟夷風雷萬里馳窮
荒絕徼聲教阻天戈所指均披靡稽典籍黃虞時威四
盜定三危我

皇功烈烈如此以今方古何云奇海內有不順者滅亡
自取之

右

聖武昭之曲二十二句

狡寇厄魯特噶爾丹怙恃險遠擾亂西北邊屢敗

屢竄未抵厥罰

皇上決策親征為行天討第二

蠢茲逆孽為塞垣賊虜虎揭獠自矜無敵我武惟揚滅
此朝食布告中外窮邊親涉羣工留

駕彤墀搏頽

帝曰汝曹所見殊爽朕無成算朕肯輕往決機制勝賊
在股掌黃鉞白旄氣吞罔兩嗟爾罔兩不早釋仗

右行天討之曲二十句

尅期誓師遂潔誠禋祀

天地

宗廟

社稷告以為民除害至意為虔祭告第三

皇澤渥

皇心仁不肯無故勞征人逆寇苟不除肆虐荼邊氓乃
擇上戊乃擇上辛禱

厚地籲

蒼旻

宗廟灌獻齊精禋惟爾有神尚克相予以濟兆民明德
惟馨通帝闈高靈降歆錫福新迅掃逋寇如飛塵

右虞祭告之曲十五句

鸞馭未駕先遣大將軍費揚古及孫思克等分道四出
以遏賊歸路為命將帥第四

雄虺雖猖顛獬必撓如掩諸困獸先防其遁逃時

皇帝坐法宮簡車乘集元戎此扼其西彼掩其東面授

方畧如運之掌中殲賊訖授汝鉞放賊脫唯汝罰貔虎
熊羆張撻伐指揮既定六師乃發

右命將帥之曲十九句

聖駕一涖邊庭沙漠絕塞泉湧草茁萬象皆春為嘉祥
應第五

苦寒地西北邊野無草坎無泉平沙萬里空人烟六龍
降臨春來自天玉珮聲泉涓涓綠羅色草芊芊馬騰士
飽爭闐闐昔禎祥史冊布飛卿雲灑滴露不過耳目娛

何闖軍國務吾

皇誠感天乃顧靈泉瑞草真堪賦

右嘉祥應之曲二十句

上軫念邊氓亟為除害三十五年春至拖林冬至鄂爾
多斯三十六年春又踰寧夏抵狼居胥山不憚殊
勞克成偉績為三出塞第六

昔為君坐秘殿居深宮沕穆端拱凝休隆今我

皇沐塞雨櫛邊風積勞茹苦成奇功天山雲嶺再三出

繇歷寒暑更春冬須識

聖人心不在耀威武除稂莠以惠嘉穀要使邊氓樂安
堵解衣推食激士心百萬兜鍪盡如虎吁嗟邊氓爾何
知知樂太平式歌且舞

右三出塞之曲十九句

帝德同天宣布絕域厄魯特台吉寨桑人等慕義來歸
者相屬皆厚加養兼授官職為廣招徠第七
虺可化猱可馴矧彼含齒戴髮名為人傾耳聽感

皇仁前除舊染圖維新叩頭齊歎塞願得儕編氓

帝勿汝殺悉汝祿厚其恩養加章服鷹眼化為鳩挺險
胡為工走鹿傳語我長我父兄棄逆効順俱來廷光天
化日過此生毋守土穴隨鼯鼯

右廣招徠之曲十六句

狡寇就殲西北塞數千里悉我臣妾荒徼絕塞間
更無不順不附之國為大無外第八

國家八荒臣一切獨此么膺偷作孽偷作孽自取滅鐵

額銅頭鎔一血

天兵電掃無遺子從此率土欽

皇風東西南北章亥所步盡來同譬如長天無點翳蔚
藍萬里日正中譬如大海環東南江淮河漢萬派都朝
宗幅員廣大振古少昌期景運興隆隆微生何幸獲躬
逢

右大無外之曲十五句

邊烽既靖

上憫將士行間况瘁下令班師為凱歌還第九

南風熏淑景清班師振旅還神京鐵甲耀金戈明千乘
萬騎如雲行俘纍丁壯兼孩嬰前呼後應凱歌聲

至尊法駕入國門千官萬姓夾道迎山呼動地如雷鳴
一人勞四海寧女安織男安耕放牛歸馬慶昇平

右凱歌還之曲十六句

諸臣民以

皇上功德實高崇上

尊號勤懇再三

上屢頒諭旨謙尊弗居為辭

尊號第十

皇上功德亘古得未有震虢同雷霆覆載齊高厚羣臣
萬姓黃童白首頓顙向

楓宸至再至三勤懇陳巍巍蕩蕩至德難名贊天誦日
罄愚誠

九重幸無拒慶徧率土濱

皇帝曰吁焉用之摧枯振落何云奇安愈圖安廼所期
官曹飭簠簋田畝勤耔耔薄海內外保昌期古來郅治
推軒義豈有殊號傳今茲

右辭

尊號之曲二十二句

平北雅三篇

宋駿業

成命篇第一

天子自將出塞靖邊塵安萬民也

皇受成命惠此萬方我詒黍稷我時雨暘維山乃棧維
水乃杭寄鞮象譯罔或不王 一章

彼狂不順敢盜我邊聚頑嘯兇逢蠱疾蟻延

帝命惠來文告往先彼狂卒迷廼絕於天 二章

皇奮厥武太常建羽以類以禡帥是羆虎

皇誓於師親執路鼓鳴鐻振鐸繕我士怒 三章

皇命虎臣出車於西乃翼乃角乃鏃乃撻

皇猷允塞衽席過師穀我天弧以射妖蜮 四章

王旅嘽嘽踰彼沙磧小大頓顙蕃畿來格有草斯甘有
泉斯溢士飽而歌同仇是索

五章

王旅嘽嘽如川如嶽進次於河拔其距角千夫一勇是
鞬是掾血馘以釁

皇功維濯

六章

兇徒既誑拉如枝披竄于窮野選我西師酋矛重弓兕
甲虎旂載踣載蹠載剗載剗

七章

師干之武神謀丕奠萬里風披有征無戰龍荒狼望眎

我畿甸仰父俯子式歌以譙八章

威振西戎朔庭遂空邊眊燕喜

上帝錫祉麻麥蒙蒙禾黍芄芃億萬斯年維

天子功九章

右成命九章章八句

皇祐篇第二

天子再出塞料軍實決機宜也

皇祐下民亦既勞止顧茲兇醜窮荒作瘠既剪既蹙

覺靡悔震霆殷天巖處塞耳

一章

鳥獸之伏越有噬攫顧彼兇醜其跽或躍

皇命虎臣整我疆索敬修我戎張皇武畧

二章

爰峻爰守爰徧爰誘地紘斯張天畢斯覆

王言炎炎先迷予宥孰是赤子絕於父母

三章

皇有正命往巡北邊出謀發慮制勝於先朔風感發澤

腹既堅惠是黎庶乃莅乃前

四章

左轟旆旆和鸞噦噦

皇于修戎於塞之外振我

天策滅此狡獪邊氓歌舞繁

皇之賚

五章

兇醜駭矣且顛而僵游魂或變窺我糗糧

王師奮擊乾坤雷礮為獍為鴞往作爾殃

六章

其殃孔亟部攜族倫左蠱右賢烏伏獸蹲歸命於

皇既悔既悛

皇曰爾來爾維我人

七章

天子曰嗟予其休士還軍於代代人咸喜或号或鼓於
塗於市髦倪駢闐媚於

天子八章

蜡月維吉

皇乃還歸父老稽首願留毋違

皇用勤民服是戎衣外靖內安維德之威

九章

右

皇祐九章章八句

天監篇第三

天子三出塞兇醜窮蹙服天誅集大功也

天監有赫絜德是親維

皇翼翼至誠格神蠢爾小醜敢梗不馴

皇三震之鼗鼓金錞

一章

維

皇勤民於山於川匪徼匪棘

天討是虔毋縱寇虐以靖我邊武車綏旌陟降連連

二章

皇莅於涼格我多士桓桓多士惟

天子使我徒我車我行孔舒蕩其穹廬至於狼居三章
維狼居胥朔野之極

皇親莅止舜禹是則贄寶請臣徧於蕃國豈伊武功

上帝與德四章

彼兇有子乃縻乃俘彼兇有臣莫究莫圖震我師武戎
兵是祛震我德音腹心是輸五章

天地大矣彼兇罔匿自戕自殘伏天之殛蠢蠢餘醜心

與面革蠻夷蕃鎮遑敢作慝 六章

乃諭乃拊載歌載舞北荒即序允

皇之武

皇武既張

皇風既揚區外萬里我階我堂 七章

皇乃振旅至於京師獻社告學於

廟受釐橐弓衅甲文德是施仁風滂洋萬邦洽熙 八章

皇勤於民弗遑啓處殄此兇醜邊患是紓

上帝眷之富以麥黍惠我萬邦既壽永昌

九章

右天監九章章八句

聖駕北巡饒歌四章

沈 涵

撫萬國頌

皇上天威北指厄魯特遠道

廟算宸謀度越千古也當漢擁離

天子撫萬國愛護原無私强者不得肆弱者與扶持要
使宇宙含生受氣屬盡為赤子同熙熙厄魯特爾何促

強沙漠陞荒磧自跳躑爾安爾生吾不治奈何憑陵與
國窺伺藩籬

命大將擁熊羆直臨瀚海翦谷蠡遣使先將威德諭抗
逆不諫

天兵隨金鼓振戎車馳大鉞一麾妖氛靡挫彼猛噬勿
窮追成湯祝網施洪慈吐爾厄魯特何不稽顙來朝同
沐

天子德肥牛重錦黃金羈自竄窮漠將何為惕息匍匐

良可悲

右撫萬國一章章二十有七句

乘法駕頌

皇上大駕巡邊喀爾喀等懇切抒誠願同四十九旗一例也當漢君馬黃

乘法駕出紫清曳鸞旂張龍旌羽林金甲耀虎賁繡韎輕薰風滿道飄笳吹萬乘臨邊御虎城歸命侯王厥角拜感恩君長負弩迎扶老更攜幼感泣共抒誠盡言往

歲苦奔竄荆棘無聊生復言今年樂牛羊蔽野馬縱橫
出我湯火登衽席秋毫皆賴

帝力成世世願附為編氓

天子嘉乃欵大賚加恩榮醴酪千鍾賜魚龍百樂呈

至尊含笑臨其營顧令按轡徐徐行大者封王小台吉
佩章紆綬表忠貞推將赤心置人腹誰不鼓舞頌

聖明

一人輿暫駕萬里盡銷兵慶賞畢回玉京明堂端拱享

昇平

右

乘法駕一章章三十有四句

紫壇高頌

皇上德合天人

鑾駕還宮甘霖屢沛萬民胥悅也當漢芳樹

紫壇高結凌蒼穹靈符牒徧蛟龍宮潭中老龍不一應
咨訪民莫勤

丹楓須臾炎飈散煜燠白晝隱隱雷聲通雷聲漸殷雨
驟至上林萬樹皆空濛詰旦郊農報雪足麥苗菜甲俱
芄芄謹呼萬乘北地迴雨師風伯先驅雄乃知
天心感至德特為

聖主掃旱熯周王除殘雨隨至吾

皇撫弱雨亦從誅殘撫弱事雖異仁心感應理則同
皇衷自有千年澤不用蜿蜒潭中龍

右紫壇高一章章二十句

六龍旋頌

皇上敬

天勤民還宮三日齋被告虔親詣北郊行禮也當漢上陵
翠旗颺暑六龍旋

帝德無外中心乾撫綏事畢祀典先預修齋被居甘泉
將於

地祇致精虔海日欲起曛曩鮮玉輦泣止方丘前從官
燦列星麗天既灌焚燎升紫烟樂奏咸池琴瑟宣百靈

翁集歌凡筵介以景福屢豐年

右

六龍旋一章章十有二句

聖駕南巡風謠十章

彭會淇

斗東指兮初春撰吉日兮良辰條風布兮解凍細雨霏
兮灑塵吾

皇來兮夙駕快盛典兮重新一章

渙大號兮先庚重軫念兮民生禁供億兮費省簡騎從

兮裝輕吾

皇來兮不擾瞻輦路兮風清

二章

潞河泮兮流澌笳鼓鳴兮解維陽侯助兮旆舉羲和馭
兮舟移吾

皇來兮容與紛扈從兮追隨

三章

金根度兮芳洲

鳳舸乘兮安流侍宸昏兮定省借山水兮優游吾

皇來兮有喜隆孝養兮千秋

四章

日遲遲兮景舒路坦坦兮道除眺浮雲兮海岱指樹色

兮淮徐吾

皇來兮孔邇適我願兮匪虛

五章

攬萬幾兮維康急先務兮河防桃花泛兮千里瓠子歌

兮一方吾

皇來兮相度為斯民兮慮長

六章

紫雲蓋兮重重碧波漾兮溶溶牽錦纜兮堤綠映畫檝

兮林紅吾

皇來兮樂只勤清問兮從容

七章

波浩渺兮江清宛中央兮浪平拋玉尺兮魚躍聳琳宮

兮山迎吾

皇來兮攬勝歌喜起兮載賡

八章

布穀鳴兮杏花菖蒲葉兮稻芽襍車騎兮耒犢倚旌旆

兮桑麻吾

皇來兮觀稼樂婦子兮喧譁

九章

龍舟停兮雲凝

鑾輅舉兮日升簫管吟兮細細香煙結兮層層吾

皇來兮至止滿衢路兮歡騰

十章

大駕南巡樂府四章

有序

趙執信

康熙二十八年春正月

大駕南巡三月至會稽而還茲行也省方問俗布惠施

仁凡諸美政考之書傳實所罕覩

臣

以弇鄙食祿

無效謹為歌詩四章隨衆錄進非敢曰揄揚萬一

期於紀實云爾

東南春道路無擾也

青帝前驅迴日輪

萬乘行布東南春
馬蹄初踏近郊雪
龍旗半捲遙空雲
岱嶽峯連會稽起

鸞輅如天蓋千里
金吾不警清路塵
羽衛無聲映江水
山川景色欣相催

至尊六年一再來
東風先期作供頓
江南二月梅花開
白叟奔迎黃口笑
共指香烟辨

天貌何似漢代諸老人扶杖但聽君王詔

歲星謠蠲租稅也

歲星熒熒行危虛東溟作帶聯三吳

詔書有似應時雨一瞬萬里同霑濡齊兒飽食樂鉏耨
意滿不慮明年須江淮人家遞相賀灑然宿痼新痊除
門前縣吏噤不呼長官威重今薦迂村村社鼓競春酌
欲陋葛天凌黃虞田父擊壤歌作息漫道毫釐非帝力
但願吾

皇一歲一來遊笑語婦子何用憂

江水清吏知法廉也

河水何洋洋江水何湯湯誰能引北斗挹此清流長

六龍行天挾雷雨雨作懷柔雷作武天吳為導靈怪潛
不用燃犀照牛渚二月水暖菱蒲青東風無力春江平
樓船漾影入雲際飛鷺游魚時自驚中流安穩遲蘭漿
應笑橫汾意鹵莽待將百谷付陽侯千古濁泥胥滌盪

桃花然變民俗也

江上桃花如火然人家染帛如桃鮮
春來酒熟魚米足飽暖莫問囊無錢
一朝喜迓

鑿輿至錦綵成行競儇媚豈知夏后惡衣心不取
吳兒竿木戲分明

天語聞咨嗟唐風舉似儉可誇始信

至尊惜物力肯教西北豔繁華
秦淮青旆搖明月西湖白絮飛晴雪
刑輕賦減家贏糧管絃壺榼嬉何妨

皇清文頴卷五十四

欽定四庫全書薈要卷一萬九千四百五十六

集部

皇清文頴卷五十五

詩

樂府

田家太平樂詞五章

史夔

勿剪松樹枝
勿伐桃花林
桃花好顏色
松樹多貞心
惟彼樗與櫟
可以礪斧尋
束薪送山店
濁酒獨自斟
醉枕澗邊石
醒披風際襟
滿身帶巖翠
晚唱餘清音

右樵夫詞

前頭兩黃犢後頭一烏犍隴上戲相逐策策揮長鞭口
吹蘆葉管手簸榆莢錢板角上牛領解衣卧蒲鞞牛飢
有細草牛渴有清泉牛肥吾已足不去蹊人田

右牧童詞

蓮房如蜂窠蓮實如蜂子月下唱歌來蓮舟輕如紙半
篙清淺間一鏡空明裏紅衣落已稀翠蓋欹還倚暗香
如靜女素質無泥滓長懷不染心歸來讀秋水

右採蓮詞

小麥穗雙歧狀如燕尾張大麥叢芒白狀如馬鬣長黃
雲徧四野飛蛾不敢傷鎌刀響霍霍刈割齊登場打曬
當及晴霏霏白於霜飽喫太平飯家家餅餌香

右打麥詞

雨前雀舌短雨後鷹爪拳茶人相和歌隔塢聞清間時
平蛇虎遁春深風景妍茶租以時斂茶山即良田上芽
為帶銛中芽為壓甌驚雷掀百草比物焙蒼烟

右採茶詞

聖駕幸闕里樂府十二章

金居敬

聖皇若稽古

金輅時東巡望秩禮璋瓚肆覲享桓信采風察幽隱徧
德逮黎民行行指吳會設教

天語諄父老扶杖觀過化俗已淳揚舲渡大江羽衛轉
鉤陳

顧問誦訓氏師表志龍蹲還

蹕經鄒嶧原泉契道真稷門駐六飛芹藻先知春

帝心祇夙夜祠官戒惟寅

一章

經籍有典祀釋奠

先聖師尼山集大成麟紱端門期宗祊屢改築
時穆存
當時

法駕在齋宮宿設駿司儀奉引導鹵簿庭燎儼威熹我
皇既下輦從官行如馳有嚴升獻竿拜典三肅祇雅樂
傳登歌禮器列象犧太常讀祝版自天親製辭望瘞神

歆歆

皇帝受蕃釐 二章

典祀已告備還

幸詩禮堂欲觀聖人後論說宜精詳魯儒悚

天威鵠立黃案傍虎賁盡聽講階序翼冠裳展書命敷

陳

聖聰達洋洋三綱具八目十翼披首章體用惟一原內

聖而外王典學亶緝熙虛受來賡颺

天語如春溫嘉獎教澤長

申命諸子弟守先罔不臧

三章

禮成誠已格

聖心重低徊八音聞魯壁六籍出秦灰二千有餘年泉
冽井幕開奇表四十九肖者其誰哉古檜發故根旋紐
如手裁摩挲垂

睿想作賦耀昭回祥符諸贊在屹石立崔巍漢魏及隋
唐碑刻數枚枚惟

聖事師古

垂問及尊壘從茲一顧恩舊物拂塵埃

四章

天仗出北門雲旂映洙水直視若斧封列栢二三里榛
蕪本自除輦路平如砥

至尊拜稽首酌酒爵再洗文鳥雖喞鳴奇木縱橫理生
著自幽贊植楷從弟子山祇欣望

幸燦然呈衆美瞻言駐蹕亭苔蘚上階庇自從祥符來
寂寥向千祀

皇德乾比崇高標越前軌

五章

大典登喬皇

湛恩施汪濊先後其揆一喜起際交泰時邁臨魯邦鸞
聲載噦噦道古媿軒羲萬年頌嘉會琳瑯

天葩芬葳蕤曲柄蓋篇章昔曾有孰似

聖謨大麾仗昔曾留孰似

今皇賚丹書炳常新函覆極無外榮光燭蓬蓬白雲紛

靄靄還令望氣者瞻仰莫能繪

六章

上天降豐澤人待於下流

賜書出中秘

寶翰煥層樓九章

錫上公蒙茸貂鼠裘四姓與執膳金綺沾渥優申以好
爵縻組綬若若裒爰進諸父老嘉乃服先疇無出今年
租負載休車牛自今勸力穡謹節供旨羞阡陌齊歡呼
常願奉

宸遊與天並巍巍雨施偏遐陬

七章

天子有後命

寵光比進律灑掃給百戶卒史實統率自從建寧來舉
廢待今日禮樂與兵農一命咸朝秩免溝虛幽宮馬鬣
安且吉繁衍祔域兆纍纍華表密至仁及骼齒顧此
宸衷恤

制曰增式廓先聖所貽翼傳之億萬載特書史臣筆

帝紀二十三孔世六十七

八章

承祀間平賢繼絕大號渙姬爰繫乾惕

聖功勤宵旰太極置

御座西銘表

宸翰契合今古同殊數自

聖斷元公啓魯宇末胄負薪嘆二儒修烝嘗青衿奉薦
盥

皇情為軫惻次第

天書爛新廟載奕奕

睿藻垂琬琰世官奉俎豆胥樂式燕衍連及濂與闕頌

聲溢壁泮 九章

惟

聖始知聖謚號無庸加開元及祥符制詞罄褒嘉

天言發要奧

綸綺同宣麻

奎章效懸象龍虎勢攫拏拜手揚

天休琢玉籠絳紗恭請

詔天下不敢私一家

帝乃可其奏置郵環海涯殿版燦金薤重簷標丹霞師
儒得縱觀軒車塞闔閩中郎太學碑瑣細不足誇十章
粵自唐武德篆刻傳鼎屬迄乎明三宗製辭屬睿思繕
寫付中書曾未親書字

皇帝崇聖師齋沐撰碑記神腕運八法游藝兼龍穗採
山斲貞珉方舟隨水致陸載還兼兩使華實董治彫鐫
出供奉摩畫稱

天意

御亭聳霄漢碧瓦

上方賜穹隆映紫薇鎮魯俾昌熾

十一章

千齡表

聖瑞九域頌

皇猷重道紆

帝車

紫宸臨奎婁中和建有極備至靡前儔草茅充載筆鑽
仰喟末由邃古紀典謨執簡非常流下逮元和中韓柳

揚歌謳兩儀施莫謝二曜譽難侔含毫幾欲腐掩卷徧
諮諏揄揚萬分一昭揭垂鴻休顧慚多掛漏撫已心恻
恻 十二章

大駕親平沙漠還京凱歌七篇 有序

姜宸英

臣聞王者之師有征無戰其不得已而用兵非為
生民除患害為萬世詒治安則弗舉也我

皇上文武神聖之德度越前古自御厯以來削平三孽
內消藩鎮尾大之患開郡海疆外控浮航萬里之

國

神樞闔闢出天潛地

廟算所指雷動飈馳固已遐至邇安中外禔福遺萬世
無疆之祉矣厄魯特噶爾丹者向蒙

國家覆庇厚恩不知感戴反肆其爪距屢懲不悛罪大
釁極自取滅亡

皇上惻然思為民除之以為不一勞則不永逸於是上
稽於天內斷於心遂下

親征之詔命所司儲峙既周分師三路

帝車中運馮牙之日祥風來應軍行出境屬國羣瞻自
初發迄於迴

鑿首尾纔八十日已絕大漠渡克勒河朔徧躡賊境至
於拖諾山逼巴顏烏喇賊方驚我師從天而降喙
奔不暇而

皇上所遣兩路大兵已分師逆擊大破賊於昭木多之
地矣夫

親屈萬乘之尊遠臨絕轡之野勞身損膳以為民擾患
至仁也軍興之際不撓衆說不避險艱平行大漠
若從枕席上過師

黃鉞一麾所向披靡三月之間頓成掃盪至勇也至於
選將授律決勝帷幄因機制變鬼神莫知此非天
下之至明至聖不足以與於此臣謹按周禮大司
馬王師有功以愷樂獻於社大司樂王師大獻則
奏愷樂愷樂者即後世饒歌鼓吹之所本也漢世

謂之愷歌臣愚不敢妄擬前人唐雅之作輒製成

愷歌雖辭義淺陋懼不足以發皇

聖功萬一特其區區歡愛之誠懷不能已或亦使天下
之仰慕景爍者謂臣身依

輦轂耳目所親聞見以視他日金石之奏史冊之傳亦
有足考信將來者也謹稽首頓首撰列如左

皇矣頌

宸斷也師出之際羣臣懇留不允

鑾輿一駕遂以成功

皇矣受命罔不臣僕孰為狙獷擾我邊域爰整我旅爰
飭我車赫赫

皇猶與天同符經緯密勿筮龜叶謨羣臣合辭以
遣將請

皇帝曰吁朕志先定既類既載六師爰發汜鋤元凶維
天子功

右皇矣十八句

有山崔巍述貞符也明成祖永樂八年北征樹碑
塞外山頂云四月十六日壬子大討過此

上亦以是月二十七日壬子

駐蹕此山

有山兮崔巍緬雄圖兮此裴徊翰海鐔兮天山鏑告我
幾先兮誰所作四月壬子

皇亦臨止匪神曷徵唯德是俟莫莫廣野疇牧其馬於
萬永清茲山之下

右有山崔巍十二句

從軍樂恤將士也

上軍行每至險道加意拊循與士卒同甘苦

御膳日止一進時徹膳令將士會食以是士益感奮

從軍樂莫問寒與飢上下山阪側臨洄溪十步九詰屈
雨雪沾人衣伐薪不得然何用斧冰持作糜忽聞

天語降拊循多苦辭

尚食一御當食思徹我盤中餐與爾共哺之三軍同挾

續頓令萬竈生炎輝拔劍猛氣縱橫馳身不盡敵今何
為

右從軍樂十七句

絕大漠頌神武也

上以五月初九日

親臨大漠十二日追賊拖諾山知己先遁時

車駕親追已五日矣乃留平北將軍馬思哈率兵窮勦
躬帥大軍迎糧而還

絕大漠塵寘顏昔聞衛與霍豈如

六龍駕來九天飛廉作御列缺鞭五日蹴倒祁連山流
鋌攬掣飛刃倏爍禽驚獸喘魂悸魄落晨鼓中嚴傳號
令我師西來寇方病矯矯平北於汝命俘厥巨魁視軍

正

皇曰旋歸萬邦慶

右絕大漠十五句

二儀樂好生也

上以抗命者惟噶爾丹一人其餘脅從皆吾赤子開示
誠信諭其歸降

二儀剖判爰初生民混然一氣孰遐匪親爾幼爾螫爾
長爾殫驅之鋒鏑令我心惻順來勿遲衣之食之觀望
回惑後罹其災厥類惟夥傳語福禍曰惟
天子活我無不覆今天之大茫哉幽谷

鴻恩沛

右二儀十七句

雄狐美諸將能稟

神算成大功也初

上遣費揚古等從西路逼賊至是噶爾丹計窮西走大
軍扼之于昭木多合戰大破之斬戮俘馘無算

雄狐掉九首自矜窟穴多途窮迫奔竄觸處遭網羅將
軍振天聲舉手陸江河當其跳踉時懸命在斧戈熊羆
從西來鼠突從東過相逢叱咤間積尸高嵯峨四野樹
降旌逃命唯六羸游魂豈終朝狂孽貽天訶弓盧為我

池狼居為我阿明明

廟堂算螳臂其奈何

右雄狐二十句

歌愷旋樂寇平

大駕早還也是月九日積雨新霽

駕由得勝門入臣僚士庶拜覲

天顏謹呼塞道

歌愷旋樂成功我出我師攝提指東我師聿歸鶉火正

中致天之伐於彼有罪

皇弗寧居敢告勞勩日下琴麗鳳蓋翔弓矢載橐三辰
光填城懽舞迎道傍短簫橫吹笛清商饒歌奏溢萬方
溢萬方

祖考格第有功章有德用虎臣於外封豕行自豷九驛
來同羣生咸遂於胥樂兮自今歲

右歌愷旋二十五句

聖武遠揚青海平定饒歌三章有序

錢陳羣

皇帝御極以來文德誕敷武功赫濯凡有血氣之倫莫不向化恐後乃羅卜藏丹津者梟獍之性飽則辜恩虺蠆之心生而肆毒神人共憤九伐宜申

命將督師討之甫旬日而膚功克奏蓋由

皇上運獨斷之明炳先幾之哲收聚米之形於掌上定破竹之勢於禁中不頓一兵已俘小蠹語云仁者無敵亶其然乎揆聞之日布喜天下臣陳羣恭效

唐時鏡歌體敬賦三章以紀功德庶幾歌詠昇平

志萬方同慶云爾

我師深入直搗賊巢羅卜藏丹津窘迫逃竄為麋
之窮第一

麋之窮竄荒谷一步一跌離爾族棄爾幕羅服婦服
皇威震賊勢感長繩萬丈行就縛自罹咎匪予戮上天
豈爾遺覆育飲我馬整我師釜中魚徒爾為土茫茫欲
援誰奪魄者準噶兒

右麋之窮十八句

賊黨渠魁既被擒又獲賊母阿爾泰喀吞為賊母
俘第二

首飛蓬面凍黎賊母俘青海西舐鎗誓風淒淒今被獲
冰未澌將軍寶刀膏鷗鷯不數漢家金日磾子奔竄母
含悽未孥戮待金雞

聖武耀封鯨鯢

右賊母俘十六句

捷音奏聞適

皇上詣學大禮慶成臣讀魯頌泮水之三章云順彼長
道屈此羣醜魯侯服也何足以媲美


至德而國與天下義有同焉為屈羣醜第三

維剪與鏹刈稂莠兮維鈇與鉞屈羣醜兮

帝臨辟雍薦嘉卣兮翩翩飛鵠集我林藪兮來獻其驄
亦恐後兮百辟卿士拜稽首兮桓桓虎臣萬里是守
天子之德達於九有

右屈羣醜十六句

皇清文頴卷五十五



總校官庶吉士 臣 張能照

校對官檢討 臣 王鍾健

謄錄舉人 臣 王會燕

欽定四庫全書薈要

集部

皇清文頴卷五十八

六至

詳校官候選知縣臣吳甸華



欽定四庫全書會要卷一萬九千四百五十七

集部

皇清文頴卷五十六

詩

樂府

聖駕東巡

盛京恭謁

祖陵大慶成敬賦樂府十章

有序

沈德潛

皇上臨御之八年懋建

皇極天人協應萬物由庾禮樂明備

念國家創業開基起於遼陽

祖宗功德艱難積累報本追遠敢忘昭事

園陵在盛京者禮應展謁爰召宗伯諏吉日奉

皇太后於孟秋初旬乃發

乘輿百靈呵護羣工景從道塗所經萬方縱觀千里如

堵城邑連歡川岳生色既至

盛京祇被齋宮潔清壇壝時維質明肅將祀事豆籩

鼎鼐牲牢壺濯莫不陳列五等六服羌戎蠻貊咸
來助祭

皇上愉愉勿勿洞洞屬屬俯興稽拜穆乎有容祝以孝
告嘏以慈告

列聖在天之神來饗禋祀儼若相接水源本本一氣感
通由

曾孫仁孝之心著存於秉圭執鬯間也

三陵既周燕喜受祉諸蕃來朝共球並集海隅日出頽

首享王既已文治溥浹矣

皇上復振作武功宣威中外進退憑旂鼓變化備陣法
同岐陽之大蒐寓于教之講武而又推仁錫類覃
被遠邇大禮告成

六飛乃回以達孝暨天下以惠澤利萬人

祖考寵綏

天地明察祭則受福永膺純嘏聖人所謂通於神明光
於四海者乃於今日遇之也小臣備員史職弗獲扈從

乘輿敬擬樂府十章以備瞽矇歌誦辭曰

聖人大孝繼繩

世德世德伊何發祥長白

天造鴻業乃眷與宅

列聖在天

園寢孔安橋山汾陰守以祠官地維鞏厚

王氣鬱盤報本崇先溯源自古幽明可通孝思為主遙

遙藩遼言

巡東土志繼乎

世宗事述乎

聖祖

右

聖大孝一章二十句

練時日吉且良奉

慈仁啟

天閭發

鑿輅隨龍驤

帝問省侍

鳳輦心齋粟容愉
婉馳蒼虬揚雲罕
大丙衛勾陳肅岳
引旌川隨轂過都
邑省風俗垂白老
攜兒女歡雷動民
歌舞手加額親

堯禹

天顏喜

慈語溫出關隘回陽春望

園陵蒸祥雲

右發

鑿輅一章三十句

盛京樂民風厚畝盈黍稷窳積紅朽四民鱗集既蕃既
阜

盛京樂慣田獵從狼發縱弓彎馬捷割鮮烹肥家餽戶
饁

盛京樂樂雍熙衢尊春臺登之酌之昔聞

聖祖之報本今覲

聖孫之受釐吾民何幸得生

聖人之時

盛京樂樂不可支

右

盛京樂一章二十二句

朝鮮挾

陵之左山海控

陵之右龍鳳拱而盤翼精靈朝而趨走

孝孫秉禮告虔陳設豆登尊自焚蕭管兮升香薦嘉德
兮珪璋

三后饗兮明堂垂邃延兮袞裳

神欣欣兮樂康優然愾然聞見儼恪不遺餘奠報

曾孫以百福昭式禮於孔熯監孝思之烝烝卜昊天
之眷眷

右謁

三陵一章一十七句

敬瞻

永陵

始祖所式憑姜嫄履武后稷迺篤生

敬瞻

福陵

太祖此永寧太王居岐肇基迺勃興

敬瞻

昭陵

太宗之佳塋文王勤止養晦逾光明我

皇昭報對越以精誠躬膺圖錄翼翼而就兢締造艱難
繼序在守成勤恤匪解

天命以永凝

右懷

祖烈一章二十句

駿假通

神明禮成萬舞備頌胙遍寵錫肆筵設高會

天厨稠疊出大官牲牢既饗紛魚膾飽德醉酒聯華戎
六合一家無內外

皇澤浹羣臣拜盈廷歡娛萬方寧泰高臺置酒歌大風
漢高區區樂豐沛

右禮成宴一章一十四句

建中朝堂我

皇當陽撫臨下方樂浪東陬椎髻羶裘咸和咸柔雲合

龍趨水航陸駟競來

陪都貢賫獻琛堯離侏任鴟鴞好音追隨鷓鴣拜舞稱
藩同漢呼韓助祭辟公來朝輸忠肅肅躬躬龍誓義服神
蹈德詠仁萬年

主臣

右羣蕃朝一章二十一句

文德貴綏懷武備戒休燕

一人韎韜作六師獮狩合圍還教戰鳥蛇翔赴箕翼舒

張霧連雲散陣分圓方止齊兮堵墻跳盪兮飛揚弓滿
月兮戈雪霜剽禽狡獸難遁藏荼火日月威疆場下大
綏收壁壘四校呼七萃喜悉率左右燕
天子海隅清晏績武功

祖宗王業由此起

右大狩闕一章一十九句

錫類者必廣乎仁孝推恩者不遺乎民人頒賚賞而沛
乎德惠速置郵而布乎

絲綸滋液滲灑潤物者雨漸摩嗅味育物者

君居

聖人之大寶曰位普天心之愛物曰仁觀百族之沐浴澤由

天子之尊

祖敬

親

右永錫類一章一十二句

六龍發兮涼露金風之蕭爽

六龍迴兮清霜玉雪之飄零
歷唐山過灤河抵神京
臣民頰首顛顛拜迎乃奉

聖母歸

慈寧

御太和殿千官朝賀

彤廷謂

聖皇孝治天下凡有血氣修孝德於環瀛東鷄西鯨不

足貴紫芝銀甕何足稱雨暘時若家給人足奏上治於
隆平

右

六龍迴一章二十一句

聖駕東巡

盛京恭謁

祖陵大禮慶成詩有序

萬承蒼

臣聞聖人之德無以加於孝宗廟之禮所以祀其

先夫孝置之而塞乎天地溥之而橫乎四海惟聖人而在天子之位者氣盛而化神情深而文明為能極其量焉因心致愛由近達遠中庸不曰祀其祖而曰祀其先明不可以世數限也漢儒議祀禮者皆謂藏魄於墓迎精於廟故宗祧之制特詳而陵寢之儀不著臣竊疑之夫聖王之於其先也無所不用其敬雖一裳衣一器皿猶必世世奉之况形體之所在乎史記稱武王九年上祭於畢斯即

謁陵之明證楚茨諸詩言成王之能奉祭也有曰
絜爾牛羊以往烝嘗古者廟在王宮之左不當言
往意即祀文武於杜中而經傳未明言之耳漢高
帝有天下於先世所居之國若秦晉梁荆皆設祠
祀官長陵特建原廟至明帝永平二年幸長安祠
高廟遂有事於十一陵三年奉光烈太后祠章陵
自時厥後茲禮遂顯蔡邕以為天子事亡如存用
心周密其禮雖煩而不可省者是也我

朝肇基東極奄有萬邦

聖德神功彪炳宇宙邠岐之境

三陵在焉

世祖章皇帝定鼎燕都

駕發盛京恭申祭告

聖祖仁皇帝在位六十餘年三謁

祖陵禮儀大備

親製碑頌光勒貞珉

世宗憲皇帝昔在藩邸奉

命代祀

列祖來假報本追遠奕世孔虔我

皇上纘承洪緒祇肅明禋禮樂蔚興治化翔洽緬思
先烈夙夜無忘爰以八年之秋戒百官具

鸞輅恭奉

皇太后而往謁焉於是兆庶懽騰神靈悅豫微雲斂翳
天高日晶從者溢塗瞻者夾路以

興京開運山直

盛京東北水源木本先後有倫迺由熱河取道邊塞
覽其風土耀我聲靈蒙古諸藩趨迎列侍昔也用
武之地今則豫遊之郊所過山川如在戶牖九月
乙未至於

永陵升自東階九捧三奠王公陪位百爾駿奔翼日丙
申大祀志潔儀豐苾苾芬芬

神保是格工祝致告福祿來崇壬寅恭祀

福陵癸卯恭祀

昭陵行禮如初致慤彌著優乎愾然若有見聞迺蒞

盛京啟

清寧之宮陞

宗政之殿讌王大臣及諸蕃君長延問宗室耆舊

慶賜遂行湛恩汪濊黃髮之叟白屋之賾莫不欣喜相

謂我儕生長留都幸得見

太平天子不圖禮文之盛德意之周至於如此也

皇上思開創之艱難樂民物之殷阜歡留信宿賦詠盈
編

睽念萬幾星言回

蹕於是祇告

列祖循山海闢經永平以至

京師謁

太廟而告成事焉是行也往返四千餘里

皇上誠敬積中忘其勞勩侍奉

聖母起居以時每日

御行幄聽政如常

車駕所經省方觀民勸農講武有司無供億之煩而民
胥受澤蓋

聖天子一舉事而萬善咸備焉猗歟盛哉臣備員史館
待直

講幃恭遇

盛典焜煌宜有紀述伏讀玄鳥長發皇矣生民諸詩

皆因所祭而歌其先祖勲德其他篇於湯孫之將
孝孫有慶尤三致意焉臣竊取斯義撰古詩十章
恭呈

睿覽蠡測管窺未罄萬一不敢自擬於頌第欲敷陳其
事云爾詩曰

上帝鑒觀四方孰德發揚積厚流長將全界所覆俾億
萬世有常我
肇祖克當之

興祖荒之

景祖康之至於

顯祖彌熾而昌則鍾其祥則衍其慶佑啟無疆一章

天眷佑我

清

太祖蹶厥生仁武且明恢拓八紘躡鵠渾城鏖九國
之兵明將來犯衆四十七萬一鼓殲之四路烟散遂

都

盛京

皇猷炳煥建官定制萬世為憲

二章

於赫

太宗至誠至仁敷教以文任官惟賢西柔蒙古東奠朝
鮮明政不綱興師於燕燕城垂克

帝命勿棘并冀克青所向無敵神武不殺於戲

帝德

三章

順治初載盜入明籞

帝命師旅救民水火誅其盜首明之遺老率彼士女前
歌後舞迎我

世祖作神人主億萬斯年六合同宇

二祖績用有成

上帝則寧四章

維

清受

命世有

聖人

皇帝仁孝

聖祖之孫

聖祖之孫

世宗之子奉時辰牡明粢清醴至於東海以享以祀

列聖在天實歆且喜

五章

誕我祀孔誠有碩其牲或剝或亨黍稷斯馨匪黍稷之馨維

德克明

穆穆在上濟濟在下精意周普假於

列祖報以純嘏萬年受祜六章

帝出乎震受

天景命

聖祖製頌斯言攸定三才奠位

聖以繼

聖我

皇承序乾道中正維

二祖之德綿於無極維

二祖之功昭於無窮七章

巍巍

盛京昔

二祖攸宅

宮殿覺覺城墉嶽嶽百禮既洽于讌于樂鐘鼓爰作獻
酬交錯維此臣工威儀有恪維彼兆人胥受

渥澤八章

帝顧陪都民風淳樸地大物豐亦孔之樂
郊祀屆期駕言還歸小大稽首載瞻載依
帝謂汝民守高魯之遺庶績咸熙

翠華數來九章

大禮既成告於

太廟肅奉明禋維

皇祖是傲迺

御正殿

德音播告錫類施仁視民興孝四海懽欣羣工舞蹈於
萬斯年典章焜燿十章

右

帝鑒十章一章十三句三章章十四句六章章十二句

皇清文頴卷五十六